

---

Fernand ETGEN  
President vun der  
Chamber vun den Deputéierten  
19, um Krautmaart  
L-1728 Lëtzebuerg

Lëtzebuerg, den 02/11/2022

Här President,

**Sou wéi den Artikel 80 vun eisem Chambersreglement et virgesäit, bieden ech lech, dës parlamentaresch Fro un de Minister fir Bildung weiderzeleeden.**

Wann eng Persoun am Apprentissage adulte säin DAP gepackt huet an sech besser Chancen am Berufsliewe well erschaffen, kann en och nach den Diplome vum Technicien maachen. Do muss een dann am Normalfall op enger Deuxième ufänken. Wéi verschidde betraffe Schüler a Schülerinnen erkläert kruten, kéint een angeblech d'Deuxième iwwersprangen an direkt op der Première ufänken, wann een d'Mention "excellent" erreecht hätt.

An deem Zesammenhang wéilt ech dem Minister dës Froe stellen:

1. Wéi eng Aspekter gi fir déi erwänten Mention "excellent" gekuckt, fir dass eng Persoun d'Deuxième kann iwwersprangen? Sinn dat zum Beispill d'Notten aus alle Fächer, déi dofir gekuckt ginn, oder bezitt sech dës Mention just op eng Selektioun vu Fächer?
2. Déi entspreichend Course kënnen aktuell nëmmen am Lycée zu Lalleng gemaach ginn. Ass de Ministère gewëllt do eppes ze änneren, fir dass des Coursen och an aneren, méi zentral geleeënen Lycéeë kënnen stattfannen?
3. Aktuell ass et virgesinn, dass een d'Deuxième à temps complet muss maachen an nëmmen d'Première kann am concomitant gemaach ginn. Ass de Ministère gewëllt do eppes ze änneren an och d'Deuxième genau wéi d'Première am concomitant unzebidden?

Mat déiwem Respekt,



CLEMENT Sven  
Deputéierten